

FORUM ONG TIMOR LESTE THE TIMOR LESTE NGO FORUM



Rua do Mercado Municipal, Dili Timor-Leste / Mobile +670 7723 5698 / forumong.tl@gmail.com / <https://fongtil.org.tl/>

Statement Forum Organizaçao Naun Governmental Timor -Leste (FONGTIL)

“JUNTOS TRABALHAMOS PARA RECUPERAR A ECONOMIA EM VIA UMA SOCIEDADE RESILIENTE”

Timor- Leste Development Partners Meeting (TLPDM) 2022

Dili, 10 Juñu 2022

Introdusaun

Timor – Leste nudár nasaun ida husi mundu neébe hetan impaktu husi Pandemia COVID-19 no ameasa mudansa klimátika neébe afeta tebes ba dezenvolvimentu setór ekonomia iha neébe kreximentu ekonomia Timor Leste hakarak aselera porsentu 4.9% maibé iha 2021 rekupera too de'it porsentu 4.1 (*Relatóriu Banku Mundial 2021*). Situasaun hatudu katak dezenvolvimentu ekonómiku kuaze paradu laos de'it tanba krize global COVID-19 no impaktu mudansa klimátika maibé situasaun rai laran mós mai husi fatór-sira estruturál lubun ida ne'ebé sei eziste hela iha ita-nia ekonomia molok moras ne'e mosu hanesan **rendimentu ne'ebé kí'ik, investimentu iha setór produtivu mós kí'ik no halo konké produtividade iha estrutura produsaun mós kí'ik tebes, distribuisaun rendimentu la hanesan, ita depende maka'as ba produ-tu-sira ne'ebé mai husi rai li'ur, finansiamentu atividade Estadu nian barak liu uza osan husi Fundu Minarai, ita-nia sistema saúde, edukasaun no rendimentu ema nian sei deficiente tebes durante tinan barak nia laran**, ita ladauk fó atensaun natoon ba hadi'ak fatór-sira relasaun ameasa númeru dezempregu sa'e no, dezafiu malnutrisaun ne'ebé sei as (47%).

Maske nuneé, governu kontinua esforsu liu husi polítika fiskál nudár dalan estratéjiku ba rekuperasaun ekonomia nasional liu husi pakote medidas no asaun atu oinsá responde ba situasaun ekonomia ho ninia impaktu sira ho polítika insentivu \$200 ba kada uma kain no sesta bázika maske medida intervensaun nee iha tendénsia ladún promove investimentu sira ho karákteer sustentabilidade finansiamentu nian.

Ita ezije nafatin ba kualkér polítika ekonómika, tenke hahú husi diagnóstiku kle'an ida, ne'ebé ezije utilizaun instrumentu kuantitativu no sasukat kualitativu oioin, atu nune'e koñese dí'ak liután situasaun real (ekonomia no sosiál) husi risku global hanesan moras Covid-19 no impaktu krize global sira neébe fo ameasa ba resesu ekonomia nasional.

Nuneé, Eventu TLPDM 2022 nudár dalan estratéjiku hodi halibur ideas konsultativu no haforsa kometimentu suporta husi parseiru dezenvolvimentu estratéjiku no parte hotu iha esforsu rekuperasaun ekonomia ba sociedade ida resiliente iha Timor-Leste.

Rekomendasaun Sira:

1. Prioritiza investimentu públiku ba longu prazu hodi aseguara sustentabilidade fiskál hodi prevene poténsia impaktu negativu ba mudansa estrutura ekonomia. Lei investimentu públiku fasilita atividade produtivu sira iha neébe sei aseguara ba hasa'e konsumu doméstika, hasa'e kapasidade investimentu setór privadu sira no aseguara estabilidade ekonomia ba expansaun monetaria.
2. Kapitaliza banku nasional hodi fasilita asesu kréditu ba grupu kooperativa maibé nafatin aseguara aspetu boa governasaun. Uza aproximasaun direitu umanu nudár baze iha prosesu investimentu nasional hodi aseguara obrigaun estadu nian hodi valoriza, proteje no hakonu direitu umanu povu liu husi estabesimentu sistema neébe integradu, transparénsia no akuntavel tuir lei investimentu públiku relasaun rekuperaun ekonomia.
3. Haforsa servisu parseria ho ajénsia parseiru dezenvolvimentu sira hotu hodi suporta, hasa'e no proteje iha esforsu polítika rekuperaun ekonomia nasional nian ho kredivel no aseguara sustentabilidade ba indikadores ekonomia mikro no makro nian iha futuru.
4. Dezenvolve programa rekuperaun ekonomia tuir nesiedade ho bottom-up approach liu husi restruturasaun kréditu sira no hafasil finansiametu ba grupu kooperativa atu bele suporta iha medidas no asaun rekuperaun ekonomia nian.
5. Prioritiza setór turizmu tuir area poténsia sira ho sériu atu aseguara vizitante doméstika nia destinaun ba areas turista sira liuliu iha tempo depois Pandemia tenke sai opsaun.
6. Husu parte hotu atu aseguara jestaun konfiansa públiku no setór privadu, grupu kooperativa no agrikultura iha atividade ekonomia liu husi haforsa kolaborasaun ho entidade hotu liuliu parseiru dezenvolvimentu hodi suporta no fasilita polítika rekuperaun ekonomia nian.
7. Haforsa sentidu partisipasaun inkluziun liuliu husi grupu Ema ho Defisiénsia no grupu feto inklui sociedade sivíl iha prosesu defini prioritizasaun, planeamentu, defini alokasaun no implementasaun programa prioridade sira ho inkluzivu liu husi arranjametu instituisaun neébe los no kredivel.
8. Ezije hasa'e prestasaun servisu iha atendentu públiku neébe adapta ona E-government ou governu eletróniku liuliu ba atividade ekonómiku nian.

Remata,

Forum ONG Timor-Leste (FONGTIL) nudár parseiru kritiku governu no estadu iha eventu **Timor-Leste Partners Development Meeting (TLPDM) 2022** hakarak hatoo apresiasaun ba governu no parseria dezenvolvimentu sira hotu neébe kontribui ona iha prosesu dezenvolvimentu nasional liuliu ba aspetu ekonomia ,sosiál no kontinua énfaze parseiru dezenvolvimentu sira atu kontinua apresenta proposta aproximasaun alternativu sira neébe inkluzivu no sustentável. Haforsa servisu parseria ho doadores, ajénsia Internasionál no parte multi sektorál sira hotu sei garante atinjimentu metas Planu Estratéjiku Dezenvolvimentu Nasional ba 2030 no adaptasaun ba Objétivu Dezenvolvimentu Sustentavel (ODS).